

宋本唐人小集

于武陵詩集

道中作

望月

離家凡幾宵一望一寥寥  
新魄又將滿故鄉應  
漸遙獨臨彭蠡水遠憶洛陽橋  
更有乘舟客淒然亦駐橈

孤雲

南北各萬里有時心更閑  
因風離海上伴月到

人間洛浦少高樹長安無舊山  
徘徊不可駐漠

漠又空還

水千里雁秦山幾重  
語來天又鄰

夜與故人別

書空不宵一恨  
幾回夢再

白日莫東駐故人非舊容  
今宵一別後何處再  
相逢過楚水千里到秦山  
幾重語來天又曉月  
落滿城鐘

勸酒

勸君金屈卮滿酌不須辭  
花發多風雨人生足

別離

南遊

窮秋幾日雨處處生蒼苔  
舊國寄書後涼天逢  
鴈來露繁山草濕洲暖水  
花開去盡同行客一  
帆猶未回

洛陽道中作

浮世若浮雲千回故復新  
旋添青草冢更有白頭人  
歲暮客將老雪晴山欲春  
行行車與馬不盡洛陽塵

客東歸

一聽遊子歌秋計幾蹉跎  
四海少平地百川無定波  
共驚年已暮俱向客中多  
又駕征輪去東歸事若何

題華山處士所居

貴賤各擾擾皆逢朝市間  
到此馬無跡始知君

子正陵集  
獨閑冰破聽敷水雪消看華山西風寂寞地唯  
我坐忘還

匣中琴

世人無正心蟲網匣中琴何以經時廢非爲娛  
耳音獨令高韻在誰感隙塵深應是南風曲聲  
聲不合今

別故人

行子與秋葉各隨南北風雖非千里別還阻一  
宵同過盡少年日尚如長路蓬猶爲布衣客羞  
入故關中

書懷

長安多路岐西去欲何依  
浮世祗如此舊山長  
憶歸自離京國久應已  
故人稀好與孤雲住孤  
雲無是非

過洛陽城

古來利與名俱在洛陽城  
九陌鼓初起萬車輪  
已行周秦時幾變伊洛水  
猶清二月中橋路鳥  
啼春草生

過侯王故第

過此一酸辛行人淚有痕  
獨殘新碧樹猶擁舊

朱門歌歇雲應散  
簷空燕尚存  
不如彈鋏客  
何處感新恩

遠水

悔作望南浦  
望中生遠愁  
因知人易老  
唯有水長流  
欲附故鄉信  
不逢歸客舟  
萋萋兩岸草  
又度一年秋

贈王隱者山居

石室掃無塵  
人寰與此分  
飛來南浦樹  
半是華山雲  
浮世幾多事  
先生應不聞  
寒山滿西日  
空照鴈成羣

山中桂

日暖上陽路鳥啼知幾春  
忽逢幽隱樹如見獨  
醒人石冷花開晚風多  
葉落頻樵夫應不識歲  
久伐爲薪

寄北客

窮邊足風慘何處醉樓臺  
家去數千里月圓十  
二回雲山隨日遠雪路  
向城開遊子久無信年  
年空鴈來

路傍草

春至始青青香車輾已平  
不知山下處來向路



傍生每歲有人在何年無馬行應和塵與土吹  
滿洛陽城

江樓春望

樓下長江路舟車不閑鳥聲非故國春色是  
他山一望雲復水幾重河與關愁心隨落日萬  
里爲西還

書情

負郭有田在年年長廢耕欲磨秋鏡淨恐見白  
頭生未作一旬別已過千里程不如書與劔十  
載兩無成

秋夕聞鴈

星漢欲沉盡誰家砧未休遠聞涼鴈至如報杜  
陵秋千樹有黃葉幾人新白頭洞庭今夜客一  
半却回舟

感懷

青山長寂寂南望獨高歌四海故人盡九原新  
冢多西沉浮世日東注逝川波不使年華駐此  
生能幾何

又感懷

東風吹草色空使客蹉跎不設太平險更應遊

子多幾傷行處 一曲醉中歌盡向青門外東  
隨渭水波

王將軍宅夜聽歌

朱檻滿明月美人歌落梅忽驚塵起處疑有鳳  
飛來一曲聽初徹幾年愁漸開東南正雲雨不  
得見陽臺

歲暮還家

東西流不駐白日與車輪殘雪半成水微風應  
欲春幾年他國歲已減故鄉人回首長安道十  
年空苦辛

褒中即事

風吹殘雨歇雲去有煙霞  
南浦足遊女綠蘋應  
發花遠鍾常半夜明月落  
千家不作故鄉夢始  
知京洛賒

訪道者不遇

人間唯此路長得綠苔衣  
及戶無行迹遊方應  
未歸平生無限事到此盡  
知非獨倚松門久陰  
雲昏翠微

春過函谷關

幾度作遊客客行長苦辛  
愁看函谷路老盡布

衣人歲遠關猶固時移草亦春何當名利息遣  
此絕征輪

寄友人

長安清渭東遊子迹重重皆是紅塵客難尋君  
馬蹤昔時輕一別漸老貴相逢應戀嵩陽好嵩  
陽有古松

贈王道士

日日市朝路何時無苦辛不隨丹竈客終作白  
頭人浮世度千歲桃源方一春歸來華表上應  
笑北邙塵

客中

楚人歌竹枝遊子淚  
露衣異國久爲客  
寒宵頻夢歸一封書未返  
千樹葉皆飛南過洞庭水  
更應消息稀

還家

爲客憶歸來歸來還寂寥  
壯時看欲過白首故  
非遥獨酌幾回醉終年恨不銷  
猶殘雞與犬同去住  
山椒

客中覽鏡

何當開此鏡即見髮如絲  
白日急於水少年能

幾時斷逢芳草處長返故園遲所以多爲客蹉  
跎欲怨誰

夜尋僧不遇

數歇渡煙水漸非塵俗間泉聲入秋寺月色遍  
寒山石路幾回雪竹房猶閉關不知雙樹客何  
處伴雲關

天南懷故人

獨思千里路軋軋轉征輪一別已多日總看成  
老人洞庭霜不下故國草應春三月煙波暖南  
風生綠蘋

南遊  
遊中梁山

僻地好泉石何人曾陸沉不知青嶂外更有白  
雲深因此見喬木幾回思舊林慙慙與猿鳥唯  
我獨何心

南遊有感

杜陵無厚業不得駐車輪重到曾遊處多非舊  
主人東風千嶺樹西日一洲蘋又渡瀟湘水瀟  
湘水復春

西歸

不繫與舟閑悠悠吳楚間羞將新白髮却去舊



青山一葉忽離樹幾人同入關長安有家在秋  
至又西還

送鄧縣董明府之任

南北已行久憐君知苦辛萬家同草木三載得  
陽春東道聽遊子夷門歌主人空持語相送應  
恠不霑巾

友人南遊不回因而有寄

相思春樹綠千里亦依依鄠杜月頻滿瀟湘人  
不歸桂花風半落煙草蝶雙飛一別無消息水  
南車跡稀

平自尋山

到此絕車輪  
萋萋草樹春  
青山如有利  
白石亦成塵  
水闊應無路  
松深不見人  
如知巢與許  
千載跡猶新

中聞

亂峯連疊嶂  
千里綠我我  
蜀國路如此  
遊人車亦過  
遠煙當驛斂  
驟雨遂風多  
獨憶紫芝叟  
臨風歌舊歌

日半前洛中晴望

九陌盡風塵  
翳翳晝復昏  
古今人不斷  
南北路

長存葉落上陽樹草衰金谷園  
亂鷗歸未已殘日半前軒

風燭舊東門路

東門車馬路北路有浮沉  
白日不西沒紅塵應更深  
從來多利地皆是起爭心  
所以青青草年年生漢陰

客中聞蟬

江頭一聲起芳歲已難留  
聽此高枝上遙知故國秋  
應催風落葉亦勸客回舟  
不是新蟬苦年年自有愁

過百牢關貽舟中者

蜀國少年地方思京洛間遠爲千里客來度百  
牢關帆影清江水鈴聲碧草山不名與利我  
爾各應閑

早春山行

江草暖初綠鴈行皆北飛異鄉那以客野鳥尚  
思歸十載過如夢素心應已違行行家漸遠更  
苦得書稀

與僧話舊

草堂前有山一見一相寬處世貴僧靜青松因

歲寒他山逢舊侶盡日話長安所以閑行跡千  
回遶藥欄

塗中作

西南千里程處處有車聲若使地無利始應人  
不營天涯猶馬到石路亦塵生如此未曾息蜀  
山終畢平

宿江口

南渡人來絕喧喧鴈滿沙自生江上月長有客  
思家半夜下霜岸北風吹荻花自驚歸夢斷不  
得到天涯

白櫻桃

王母階前種幾株  
水精簾內看如無  
只應漢武金盤上  
瀉得珊瑚白露珠

白櫻樹

記得花開雪滿枝  
和蜂和蝶帶花移  
如今花落遊蜂去  
空作主人惆悵詩

長安逢隱者

征車千里輾徧六街塵  
向此有營地忽逢無事人  
昔時顏未改浮世路多新  
且脫衣沽酒終南山欲春

秋夜達蕭關

擾擾游梁路人忙月自閑去年爲塞客今夜宿  
蕭關辭國幾經歲望鄉空見山不知江葉下又  
作布衣還

夜泊湘江

北風吹楚樹此地獨先秋何事屈原恨不隨湘  
水流涼天生片月竟夕伴孤舟一作南行客無  
成空白頭

長信宮二首

簾涼秋氣初長信恨何如拂黛月生指解鬢雲

滿梳一從悲畫扇幾度泣前魚坐聽南宮樂清  
風搖翠裾

一失輦前恩羅衣生暗塵唯應清夜月獨伴向  
愁人長信翠蛾老昭陽紅粉新君心似秋節不  
使草長春

高樓

遠天明月出照此誰家樓上有羅衣色涼風吹  
不秋

送魏山韋處士

陰陰亭際閑相顧慘離顏一片雲飛去嗟峨空



魏山

題長信宮

莫訪古宮名古宮空古城只唯一作應東去水不  
改舊時聲

洛中有懷

草多  
潺潺伊洛何寂寞少恩波鸞駕久不幸洛陽春

于武陵詩集

無名氏詩集

聽唱鷓鴣

金谷歌傳第一流  
鷓鴣清怨碧雲愁  
夜來省得曾聞處  
萬里月明湘水流

遊朱坡故少保杜公林亭

杜陵池館洛城東  
孤島迴汀路不窮  
高岫乍疑三峽近  
遠波初似五湖通  
梧桐葉暗蕭蕭雨  
菱荇花香澹澹風  
還有昔時巢燕在  
飛來飛去盡堂空

留贈偃師主人

孤城漏未殘，徒侶拂征鞍。  
洛北去愁遠，淮南歸夢闌。  
曉燈迴壁暗，晴雪卷簾寒。  
更盡主人酒，出門行路難。

長門

悵望黃金屋，恩衰似越逃。  
花生針眼刺，月送剪刀  
腸。刃地近歡娛，遠天低  
雨露。高時看迴輦，處淚  
臉濕天桃。

三五七言詩

秋風清秋月，明落葉聚還散。  
寒鷓棲復驚，相思相見知何日。  
此時此夜難為情。

聽琴

六律鏗鏘間宮徵伶倫寫入梧桐尾七條瘦玉  
叩寒星萬派流泉哭纖指空山雨脚隨雲起古  
木燈青肅山鬼田文墮淚曲未終子規啼血哀  
猿死

石榴

蟬嘯秋雲槐葉齊石榴香老庭枝低流霞色染  
紫罌粟黃蠟紙苞紅瓠犀玉刻冰壺含露濕  
斑似帶湘娥泣蕭娘初嫁嗜甘酸嚼破水精十  
萬粒

秦家行

彗孛飛光照天地九天瓦裂屯冤氣鬼哭聲聲  
怨趙高宮花滴盡扶蘇淚禍起蕭牆不知戢羽  
書催築長城急劔上忠臣血未乾沛公已向函  
關入

小蘇家

雙月謳誼輾秋碧細風斜掩神仙宅麥門冬長  
馬鬣青茱萸蘂綻蠅頭赤流蘇斗帳懸高壁綵  
鳳盤龍繳香額堂內月娥橫剪波倚門腸斷蝦  
鬚隔



千觴

絲韻環今日恩榮昔同歸不辨玉軸一

魚氣圍長信宮

亂興必香煙翠羽水青蛾

細草侵堦亂碧鮮宮門深鎖綠楊天珠簾欲捲  
擡秋水羅幌微開動冷煙風引漏聲過枕上月  
遷花影到窻前獨耕殘焰魂堪斷却恨青蛾誤  
少年

林風史驪山感懷

哀苦雨長不吝首帶

武帝尋仙駕海遊禁門高閉水空流深宮帶日

年年色翠柏凝煙夜夜愁鸞鳳影沉歸萬古歌

鍾聲斷夢千秋晚來惆悵無人會雲雨能飛傍

玉樓

春二首

裊裊東風吹水國  
金鴉影暖南山北  
蒲抽小劔  
割湘波柳拂長眉舞  
春色白銅堤下煙蒼蒼  
林端細菜參差香  
綠桑枝下見桃葉  
迴看青雲空  
斷腸

烏足遲遲日宮裏  
天門擊鼓龍蛇起  
風師剪翠  
換枯條青帝授  
藍染江水蜂蝶續  
紛抱香藥錦  
鱗跳擲紅雲尾  
繡衣白馬不歸來  
雙成倚檻春

心醉

夏



夏

赤帝旗迎火雲起南山石裂吳牛死繡楹夜夜  
箔蝦鬚象榻重重簾湘水彤彤日脚燒冰井古  
陌塵飛野煙靜漢帝高堂汗若珠班姬明月無  
停影

秋

月色驅秋下穹昊梁間燕語辭巢早古苔凝紫  
帖瑤堦露槿啼紅墮江草越客羈蒐挂長道西  
風欲揭南山倒粉娥恨骨不勝衣暎門是碧蟬  
聲老

五惠

冬

蒼茫枯磧陰雲滿古木號空晝光短雲擁三峯  
嶽色低冰堅九曲河聲斷浩汗霜風刮天地温  
泉火井無生意澤國龍蛇凍不伸南山瘦栢銷  
殘翠

鷄頭

湖浪參差疊寒玉水仙曉展鉢盤綠淡黃根老  
栗皺圓染青刺短金罌熟紫羅小囊光緊蹙一  
掬真珠藏蛸腹叢叢引觜傍蓮洲滿川恐作天

鷄哭

紅薔薇

九天碎霞明澤國造化功夫潛剪刻淺碧眉長  
約細枝深紅刺短鈎春色晴日當樓曉香歇錦  
帶盤空欲成結謝豹聲催麥隴秋春風吹落猩  
猩血

班竹簾

龍鱗滿床波浪濕血光點點湘娥泣一片晴霞  
凍不飛深沉盡訝蛟人立百朶排花蜀纈明珊  
瑚枕滑葛衣輕閑窓獨卧曉不起冷浸羈魂錦

江裏

東西欲客有新豐館題怨別之詞因詰傳吏盡  
幾日計得其實偶作四韻嘲之

春風白馬紫絲韁正值蠶眠未採桑五夜有心  
隨暮雨百年無節待秋霜重尋綉帶朱藤合更  
認羅裙碧草長為報西游減離恨阮郎纔去嫁  
劉郎

經漢武泉

芙蓉池苑起清秋漢武泉聲落御溝他日江山  
映蓬鬢一年楊柳別漁舟竹間駐馬題詩去物  
外何人識醉遊盡把歸心付紅葉晚來隨水向

東流入 雜詩十首

雜詩十首

近寒食雨草萋萋  
看麥苗風柳映堤  
早是  
有家歸未得  
杜鵑休向耳邊啼

春光冉冉歸何處  
更向樽前把一盃  
盡日問花花不語  
爲誰零落爲誰開  
水紋珍簟思悠悠  
千里佳期一夕休  
從此無心受良夜  
任他明月下西樓  
數日相隨雨  
不忘郎心如妾妾  
如郎出門便是  
東西路把取紅綫  
各斷腸

無定河邊暮角聲赫連臺畔旅人情函關歸路  
千餘里一夕秋風白髮生  
花落長川草色青暮山重疊雨冥冥逢春漸覓  
飄蓬苦今日分飛一涕零

洛陽才子隣簫恨湘水佳人錦瑟愁今昔兩成  
惆悵事臨邛春盡暮江流  
浙江輕浪去悠悠望海樓吹望海愁莫怪鄉心  
隨魄斷十年爲客在他州  
鸞飛遠樹遊何處鳳得新巢有去心紅粉尚留  
香冪冪碧雲初斷信沉沉那堪點汚沉泥玉猶

自經營買笑金從此山頭似人石丈夫形狀淚  
痕深

折釵破鏡兩無緣魚在深潭月在天得意紫鸞  
辭舞鏡墮松青鳥斷銜賤金瓶永覆難收水玉  
軫長拋不續絃若到蘼蕪山下過空將狂淚滴  
黃泉

天竺國胡僧水精念珠

天竺胡僧踏雲立紅精素貫鮫人泣細影疑隨  
爛火銷圓光恐滴袈裟濕夜梵西天千佛聲指  
輪次第驅寒星若非葉下滴秋露則是井底圓

春水淒清妙麗應難並眼界真如意珠靜碧蓮  
花不獨提攜堅索何如幻泡影

白雪歌

皇穹何處飛瓊屑散下人間作春雪五花馬踏  
白雲衢七香車碾瑤墀月蘇岳乳洞擁山家澗  
藤古栗盤銀蛇寒郊複疊鋪柳絮古磧爛熳吹  
蘆花流泉不下孤汀咽斷臂老猿聲欲絕鳥啄  
冰潭玉鏡開風敲簷溜水晶折拂戶初疑粉蝶  
飛看山又訝白鷗歸孫康東死讀書闈火井不  
煖溫泉微



琵琶

粉骨繡臆誰家女香撥星星共春語七盤嶺上  
走鸞鈴十二峯頭弄雲雨千悲萬恨四五絃絃  
中甲馬聲駢闐山僧撲破瑠璃鉢壯士擊折珊  
瑚鞭珊瑚鞭折聲交憂玉盤傾瀉真珠滑海神  
驅赴夜濤回江娥蹙踏春冰裂滿坐紅粧盡淚  
垂望鄉之客不勝悲曲終調絕忽飛去洞庭月  
落孤雲歸

傷哉行

兔走烏飛不相見人事依稀速如電王母天桃

一度開玉樓紅粉千回變車馳馬走咸陽道石  
舊宅空荒草秋雨無情不惜花芙蓉一一驚  
倒勸君莫謾栽荆棘秦皇虛費驅山力英風  
一去更無言白骨沉埋暮山碧

雜詞一十三首

勸君莫惜金縷衣勸君須惜少年時有花堪折  
直須折莫待無花空折枝  
悔將淚眼向東開特地愁從望裏來三十六峯  
猶不見況伊如燕這身材  
滿目笙歌一段空萬般離恨揔隨風多情爲謝

殘陽意與展晴霞片片紅  
兩心不語暗知情燈下裁縫  
月下行行到堦前  
知未睡夜深聞放剪刀聲  
青天無雲月如燭露泣梨花白如玉子規一夜  
啼到明美人獨在空房宿  
石沉遼海闐劍別楚山長會合知無日離心滿

夕陽

空賜羅衣不賜恩一燻香後一銷魂雖然舞袖  
何曾舞長對春風裊淚痕  
不洗殘粧凭繡牀却嫌鸚鵡繡鴛鴦迴針刺到

雙飛處憶着征夫淚數行

眼想心思夢裏驚無人知我此時情不如池上

鴛鴦鳥雙宿雙飛過一生

一去遼陽繫夢魂忽傳征騎到中門紗窓不肯

施紅粉圖遺蕭郎問淚痕

鳥啼露冷酒初醒罨畫樓西曉角鳴翠羽帳中

夢覺寶釵斜墜枕函聲

行人南北分征路流水東西接御溝終日坡前

怨離別謾名長樂是長愁

宮詞三首

迎春燕子尾纖纖拂柳穿花掠翠簷聞道蕊宮  
三十六美人爭為捲朱簾

落絮濛濛立夏天樓前槐樹影初圓傳聞紫殿  
深深處別有薰風入舜絃

紫禁仙輿詰旦來旌旗遙倚望春臺不知庭霰  
今朝下疑是林花昨夜開

送春

斜風細雨趲春歸何不從容柰妾時未辦三盃  
相別酒先吟一首送行詩再三留得鷓鴣晚干  
萬休教杜宇知縱若苦苦留留不住明年早早到

南枝

題壁

一團茅草亂蓬蓬  
地燒天驀地空  
爭似滿爐煨  
榾柮慢騰騰  
地煖烘烘

無名氏詩集終

無名氏詩集

此詩刻於此

一國之...

...

知縱若

張司業樂府集

樂府

白苧詩

皎皎白苧白且鮮將作春衣稱少年裁維長短  
不能定自持刀尺向姑前復恐蘭膏污纖指常  
道傍人收隋珥衣裳著時寒食下還把玉鞭鞭  
白馬

寄衣曲

織素縫衣獨苦辛遠因迴使寄征人官家亦自  
寄衣去貴從妾手著君身高堂姑老無侍子不



得自到邊城裏殷勤爲看初着時征夫身上宜  
不宜

白頭吟

請君膝上琴彈我白頭吟憶昔君前嬌笑語兩  
情宛轉如縈素宮中爲我起高樓更開苑池種  
芳樹春天百草秋始衰棄我不待白頭時羅襦  
玉珥色未暗今朝已道不相宜揚州青銅作明  
鏡暗中持照不見影人心迥別自無窮眼前好  
惡那能定君恩已去若再返菖蒲花開月長滿

如石業  
車遙遙

征人遙遙出古城雙輪齊動駟馬鳴山川無處  
無歸路念君長作萬里行野田人稀秋草綠日  
暮放馬車中宿驚磨遊兔在我傍獨唱鄉歌對  
僮僕君家大宅鳳城隅年年道上隨行車願爲  
玉鑾繫華軾終日有聲在君側門前舊宅久已  
拋無由復得君消息

吳宮怨

吳宮四面秋江水江水露白芙蓉死吳王醉後  
欲更衣座上美人嬌不起宮中千門復萬戶君  
恩反覆誰能數君心與妾旣不同徒向君前作

歌舞茱萸滿宮紅實垂秋風裊裊生繁枝姑蘇  
臺上夕讌罷他人侍寢還獨歸白日在天光在  
地君今詎得長相棄

求仙行

漢皇欲作飛仙子年年採藥東海裏蓬萊無路  
海無邊方士舟中相枕死招搖在天因白日甘  
泉玉樹無仙實九皇真人終不下空向離宮祠  
太一丹田有氣凝素華君能保之昇絳霞

終是作神仙語

永嘉行

黃頭鮮卑入洛陽胡兒持戟昇明堂晉家天子

作降虜公卿齊走如牛羊紫陌旌旛暗相觸家  
家鷄犬驚上屋婦人出門隨亂兵夫死眼前不  
敢吳九州諸侯自曠土無人領兵來護主北人  
避胡多在南南人至今能晉語

野老語

老弱家貧在山住耕種山田三四畝苗踈稅多  
不得食輸入官倉化爲土歲暮鋤犁傍空室呼  
兒登山收橡食西江賈客珠百斛船中養犬長  
食肉

短歌

青天蕩蕩高且虛，上有白日無根珠。流光暫出  
還入地，使我少年不須與君相逢。勿寂寞衰  
老不復如今樂。玉卮盛酒置君前，再拜勸君千  
萬年。

泗水行

泗水流急石纂纂，鯉魚上下紅尾短。春冰消散

日華滿，行舟往來浮橋斷。城邊魚市人早行，水

煙漠漠多棹聲。

北邙山

洛陽北門北邙道，喪車磷磷入秋草。車前齊唱

薤露歌高墳新起白  
我我朝朝暮暮大送葬  
洛陽城中人更多千金  
立碑高百尺終作誰  
家柱下石隴頭松栢  
半無主地下白骨多  
於土寒食家家送紙  
錢鴟鳶作窠銜上樹  
人居朝市未解愁請  
君暫向北邙遊

別離曲

行人結束出門去馬蹄  
幾時更踏門憶昔君初  
納綵時不言身屬遼陽  
戍早知今日當別離成  
君家計良爲誰男兒生  
身自有役那得悞我年  
少時不言逐君征戰死  
誰能獨老空閨裏

隴頭行

隴頭已斷人不行胡騎已入涼州城漢家處處  
格鬪死一朝盡沒隴西地驅我邊人胡中去散  
放牛羊食禾黍去年中國養子孫令着氊裘學  
胡語誰能更使索輕車重取涼州屬漢主

各東西

遊人別一東復一西出門相背兩不返唯信車  
輪與馬蹄道路悠悠不知處山高海闊誰辛苦  
遠遊不定難寄書日日空尋別時語浮雲上天  
雨隨地暫時會合終離異我今與子非一身安

得生死不相棄

廢居行

胡馬崩騰滿阡陌  
都人避亂唯空宅  
宅邊青桑葉  
宛宛野蠶食  
葉還成蠶黃雀  
銜草入燕窠  
嘖嘖啾啾白日  
晚去時禾黍埋  
地中  
饑兵掘土  
齧重重鴟梟  
養子庭樹上  
曲墻空屋多  
旋風亂定  
幾人還本土  
唯有官家重作主

猛虎行

南山北山樹  
宴宴猛虎白  
日遶林行  
向晚一身  
當道食  
山中麋鹿  
盡無聲  
年年養子  
在深谷  
雌



雄上山不相逐谷中近窟有山林長向村家取  
黃犢五陵年少不敢射空來林下看行跡

秋夜長

秋天如水夜未央天漢東西月色光愁人不寐  
畏枕席暗虫嘖嘖遶我傍荒城爲村無更聲起  
看北斗天未明白露滿田風裊裊千聲萬聲驚  
鳥鳴

塞下曲

邊城八月修城堡候騎先燒磧中草胡風吹沙  
度隴飛隴頭林木無北枝將軍關兵清塞下鳴

鼓蓬蓬促獵圍天寒山路石斷裂白日不鋪帳  
下雪烏孫國亂多降胡詔使名王持漢節年年  
征戰不得閑邊人殺盡唯空山

遠離別

荷葉團團杏花拆長江鯉魚鱗鱗赤念君少年  
棄親戚千里萬里獨爲客誰言遠別心不易天  
星墜地能爲石幾時斷得城南陌勿使居人有  
行役

征婦怨

九月匈奴殺邊將漢軍全歿遼水上萬里無人

收白骨家家城下招魂葬婦人倚依子與夫同  
居貧賤心亦舒夫死戰場子在腹妾身雖存如  
畫燭

朱鷺曲

翩翩兮朱鷺來汎春塘棲綠樹毛如剪色如染  
遠飛欲下雙翅歛避人引子入深壑動處水紋  
開灩灩誰知豪家網爾軀不如飲啄江海隅

將軍行

彈箏峽東有胡塵天子擇日拜將軍蓬萊殿前  
賜六纛還領禁兵爲部曲當朝受詔不辭家夜

向咸陽原上宿戰車彭彭旌旗動三十六軍聲  
上隴隴頭戰勝夜亦行分兵處處收舊城胡兒  
殺盡陰磧暮擾擾唯有牛羊聲邊人親戚曾戰  
歿令逐官軍收舊骨磧西行見萬里空樂府獨  
奏將軍功

送遠曲

戲馬臺南山簇簇山邊飲酒歌別曲行人醉後  
起登車席上回罇勸僮僕青天漫漫覆長路遠  
遊無家安得住願君到處自題名他日知君從  
此去

江南曲

江南人家多橘樹吳姬舟上織白苧土地卑濕  
饒蟲蛇連木爲牌入江住江村竟日長爲市落  
帆度橋來浦裏青莎覆城竹爲屋無井家家飲  
潮水長千午日沽春酒高高酒旗懸江口倡樓  
兩岸懸水柵夜唱竹枝留北客江南風土歡樂  
多悠悠處處盡經過

賈客樂

金陵向西賈客多船中生長樂風波欲發移船  
近江口船頭祭神各澆酒停盃共說遠行期入

蜀經蠻誰別離金多眾中爲上客夜夜篝緡眠  
獨遲秋江初月猩猩語孤帆夜發瀟湘渚水上  
持檝防暗灘直過山邊及前侶年年逐利西復  
東姓名不在縣籍中農夫稅多長辛苦棄業長  
爲販寶翁

少年行

少年從出獵長楊禁中新拜羽林郎獨到輦前  
射雙虎君王手賜黃金璫日日鬪雞都市裏羸  
得寶刀重刻字百里報讐夜出城平明還在倡  
樓醉遙聞虜到平陵下不待詔書行上馬斬得

名王獻桂官封侯起第一日中不爲六郡良家  
子百戰始取邊城切

採蓮曲

秋江岸邊蓮子多採蓮女兒凭船歌青房實圓  
齊戢戢爭前競折蕩漾波試索綠莖不尋藕斷  
處絲多刺傷手白練束腰袖半卷不插玉釵粧  
梳淺船中未滿度前洲借問誰家家住遠歸時  
共待暮潮上自弄芙蓉還蕩漿

羈旅行

遠客出門行路難停車斂策石門端荒城無人

雪滿路火燒野橋不得度寒蟲入窟鳥歸巢  
僕問我誰家去行尋田頭暗未息雙轂長轅礙  
荆棘緣崗入澗投田家主人舂米爲夜食晨雞  
喔喔茆屋傍行人起掃車上霜舊山已別行已  
遠身計未成難復返長安陌上相識稀遙望天  
門白日晚誰能聽我苦辛行爲向君前歌一聲

烏啼引

秦烏啼啞啞夜啼長安吏人家吏人得罪囚在  
獄傾家責產將自贖少婦起聽夜啼烏知是官  
家有赦書下牀心喜不重寐未明上堂賀舅姑



少婦語啼烏汝啼慎勿去借汝庭樹作高巢年  
年不令傷爾雛

楚妃怨

湘雲初起江沉沉君王遙在雲夢林江南雨多  
旌旗暗臺下朝朝春水深章華殿前朝萬國君  
心獨自眾無極楚兵滿地兼逐禽誰用一身繼  
筋力西江若翻雲夢中麋鹿死盡應還宮

關山月

秋月明朗關山上山中行人馬蹄響關山秋來  
雨雪多行人見月唱邊歌海邊漠漠天氣白胡

兒夜度黃龍磧軍中探騎暮出城伏兵暗處低  
旌戟漢水連地霜草平野馳尋水磧中鳴隴頭  
風急鴈不下沙場苦戰多流星可憐萬國關山  
道年年戰骨多秋草

春日行

春日融融池上暖竹牙出土蘭心短草堂晨起  
酒半醒家僮報我園已滿頭上皮冠未曾整直  
入花間不尋徑樹樹殷勤盡遶行舉枝未徧春  
日暝不用積金着青天不用服藥求神仙但願  
園裏花長好一生飲酒花前老

行路難

湘東行人長歎息十年離家歸未得弊裘羸馬  
苦難行僮僕盡饑少筋力君不見牀頭黃金盡  
壯士無顏色龍蟠泥中未有雲不能生彼昇天  
翼

春江曲

春江無雲水平滿江心嘓嘓鳧鷖鳴長干夫壻  
愛遠行自染春衣縫已成妾身長生金陵側去  
年隨夫住江北春來未到父母家舟小風多渡  
不得欲辭舅姑先問人私向江頭祭水神

寶釵曲

寶釵墜井無顏色百尺泥中今復得鳳皇宛轉  
太古儀欲爲首飾不稱時女伴傳看不知主羅  
袖拂拭生光輝蘭膏已盡股半折雕文刻樣無  
年月雖離井底入匣中不用還與墜時同

山頭鹿

山頭鹿角芟芟尾促促貧兒多租輸不足夫死  
未葬兒在獄早日熬熬蒸野崗禾黍不收無獄  
糧縣家唯憂少年食誰能令爾無死傷

促促詞貧夫

促促復促促家貧夫婦歡不足今年爲人送租  
船去年捕魚在江邊家中姑老子復小自執吳  
綃輸稅錢家家桑麻滿地黑念君一身空努力  
乍教牛蹄團團羊角直君身長在應不得  
節婦吟寄東平李司空

君知妾有天贈妾雙明珠感君纏綿意繫在紅  
羅襦妾家高樓連苑起良人執戟明光裏知君  
用心如日月事夫誓擬同生死還君明珠雙淚  
垂何不相逢未嫁時

寄葛蒲

石上生菖蒲一寸十二節仙人勸我食令我頭  
青面如雪逢人寄君一縫囊書中不得傳此方  
君能來作栖霞侶與君同入丹玄鄉

沙堤行呈裴相公

長安大道沙爲堤早風無塵暖無泥宮中玉漏  
下三刻朱衣導騎丞相來路傍高樓息歌吹千  
車不行行者避街官閭吏相傳呼當前一里唯  
空衢白麻詔下移相印新堤未成舊堤盡

牧童詞

遠牧牛遶村四面禾黍稠陂中饑鳥啄牛背令

我不得戲隴頭入陂草多牛散行白犢時向蘆  
中鳴隔堤吹葉應同伴還穀長邊三四聲牛食  
草莫相觸官家截爾頭上角

董逃行

洛陽城頭火曛曛亂兵燒我天子宫宮城南面  
有深山盡將老幼藏其間重巖爲屋椽爲食丁  
男夜行候消息聞道官猶掠人舊里如今歸未  
得董逃行漢家幾時重太平

妾薄命

薄命婦良家子無事從軍去萬里漢家天子平

四夷護恙都尉裹屍歸念君此行爲死別對君  
裁縫泉下衣與君一日爲夫婦千年萬歲亦相  
守君愛龍城征戰功妾願青樓歡樂同人生各  
各有所欲詎得將心入君腹

江村行

南塘水深蘆笋齊下田種稻不作畦耕湯磷磷  
在水底短長半染深蘆泥田頭刈莎結爲屋歸  
來繫牛還獨宿水淹手足盡有瘡山童遶身飛  
颺颺桑林椹黑蠶再眠婦姑採桑不向田江南  
熱汗天氣毒雨中移秧顏色鮮一年耕種長苦



辛田熱家家將賽神

讌客詞

上客不用顧金羈主人有酒君莫違請君看取  
園中花地下漸多枝上稀山頭樹綠不見石谿  
水無風晚更碧人人齊醉起舞時誰覺鬪衣與  
倒幘明朝花盡人已去此地獨來空遶樹

楚宮行

章華宮中九月時桂花半落紅橘垂江頭騎火  
照輦道君王夜從雲夢歸霓旌鳳蓋到雙闕臺  
上重重歌吹發千門萬戶開相當燭籠左右列

成行下輦更衣入洞房洞房侍女盡焚香玉階  
羅幕微有霜齊言此夕樂未央玉酒湛湛盈華  
觴絲竹次第鳴中堂巴姬起舞向君王迴身垂  
手結明璫願君千年萬年壽朝出射麋夜飲酒

樵歌吟

山上採樵選枯樹深處樵多出辛苦秋來野火  
燒爍林枝柯已枯堪採取斧聲坎坎在幽谷採  
得齊梢青葛束日西待伴同下山竹檐彎彎向  
身曲共知路傍多虎窟未出深林不敢歇村西  
地暗狐兔行稚子唱時相應聲採樵客莫採松

與柏松柏生枝直且堅與君作屋成家宅

築城詞

築城去千人萬人齊抱杵重重土堅試行錐軍  
吏執鞭催作遲來時一年深磧裏着盡短衣渴  
無水力盡不得拘杵聲杵聲未定人皆死家家  
養男當門戶今日作君城下土

寄遠曲

美人去來春江暖江頭無人湘水滿浣沙石上  
水禽栖江南路長春日短蘭舟桂檝常渡江無  
因重寄雙瓊璫

離宮怨

高堂別館連湘渚長向春江開萬戶荆王去去  
不復來宮中美人自歌舞

春別曲

長江春水綠堪染蓮葉出水大如錢江頭柳樹  
君自種那長繫木蘭船

成都曲

錦江近西煙水綠新雨山頭荔枝熟萬里橋邊  
多酒家遊人愛向誰家宿

烏栖曲

西山作宮潮滿池宮鳥曉鳴茱萸枝吳姬採蓮  
自唱曲君王昨夜舟中宿

楚妃怨

梧桐葉下黃金井橫架輓轡牽素縵美人初起  
天未明手拂銀餅秋水冷

寒塘曲

寒塘沉沉柳葉疎水暗人語驚栖鳧舟中少年  
醉不起持燭照水射遊魚

湘江曲

湘水無潮秋水闊湘中月落行人發送人發送

人歸白蘋茫茫鷓鴣飛

白龜鳴

天欲雨有東風南谿白龜鳴窟中六月人家井  
無水夜聞白龜人盡起

春堤曲

野塘鳩鵲飛樹頭綠蒲紫菱蓋碧流狂客誰家  
愛雲水日日獨來城下遊

湖南曲

瀟湘多別離風起芙蓉洲江上人已遠夕陽滿  
中流鴛鴦東南飛飛上青山頭

春水曲

鴨鴨鴨背啞啞青蒲生春水狹蕩漾木蘭船中  
有雙少年少年醉鴨不起

山禽

山禽毛如白練帶栖我庭前栗樹枝獼猴半夜  
來取栗一雙中林向月飛

僧院影堂

香銷雲凝舊僧家僧刹殘影壁半斜日暮松煙  
空漠漠秋風吹破紗蓮華

秋山無雲復可風  
谿頭看月出深松  
草堂不閉石牀靜  
葉間墜聲重重

望幽其岸花  
可憐岸邊樹紅葉發青條  
東風吹渡水衝著木蘭橈

別于鵠

離燈及晨輝  
行人起復思  
出門兩相顧  
青山路逶迤

野中

幕幕野田草  
草中牛羊道  
古墓無子孫  
白楊不



得老 潤田草中 牛半 草古 墓無子 符白 對不

雲童童行

雲童童白龍之尾無江中今年大旱不作雨水  
足墻上有禾黍人跡或思出門兩眸青山絕

宛轉行

華屋重翠幄綺席雕象牀遠漏微更踈薄衾中  
夜涼爐氣暗徘徊寒燈背斜光妍姿結宵態寢  
壁幽夢長宛轉復宛轉憶憶更未央

怨

切切重切切秋風桂枝折人當少年嫁我當少

年別念君非征行年年長遠途妾心甘獨歿高  
堂有舅姑山川豈遙遠行人自不返

新桃行

桃生葉婆娑枝葉四向多高木出墻顛高莧相  
凌摩植之三年餘今夏初試花秋來已成實其  
陰良已嘉青蟬不來鳴安得迅羽過長惡牽絲  
蟲家幕成網羅顧託戲兒童勿折吾桑柯明年  
結其實磊磊充汝家

憶遠曲

水上山沈沈征途渡遠林途荒人行少馬跡猶

可尋雪中獨立樹海口失侶禽誰愛如長線千  
里縈我心

長塘湖

長塘湖一斛水中半斛魚大魚如柳葉小魚如  
針鋒水濁誰能辨真龍

雀飛多

雀飛多觸網羅網羅高樹顛汝飛蓬蒿下勿復  
投身網羅間粟積倉禾在田巢之雛望其母來

還

廢瑟詞

古瑟在匣誰復識玉桂顛倒朱絲黑千年曲譜  
不分明樂府無人傳正聲秋蟲暗穿塵作色腹  
中不辨工人名幾時天下復古樂此瑟還奏雲  
門曲

洛陽行

洛陽宮闕當中州城上峩峩十二樓翠華西去  
幾時返鳴巢乳鳥藏蟄燕御門空鎖五十年稅  
彼農夫修玉殿六街朝暮鼓鼙鼙禁兵持戟空  
守宮百官月月謝表驛使相續長安道上陽  
宮樹黃復綠野豺入苑食麋鹿陌上老翁雙淚

垂共說武王巡幸時

沈千運舊居

汝北君子宅我來見頽墉亂離子孫盡地屬隣  
里翁土木被丘墟谿路不連通舊井蔓草合牛  
羊墜其中君辭天子書放意任體躬一生不自  
力家與逆旅同高議如星辰餘聲激暗壟方將  
旌舊閭百世可封崇嗟其未積年已爲荒林叢  
時豈無知音不能崇此風浩蕩竟無覩我將安  
所從

西州詩

羌胡據西州近甸無邊城山東收稅租養我防  
塞兵胡騎來無時居人常震驚嗟我五陵間農  
者罷耕耘邊頭多煞傷士卒難全形郡縣發丁  
役丈夫各征行生男不能養懼身有姓名良馬  
不念材烈士不苟縈所願際國難再逢天下平

贈別孟郊

歷歷天上星沈沈水中萍幸當清秋夜流影及  
微形君生浮俗間立身如禮經純誠發新文獨  
有金石聲懼名振京國歸去東南行停車楚城  
下顧我不念程寶鏡曾墜水不磨豈自明苦節

居貧賤所知賴友生歡會方別離戚戚憂慮并  
安得在一方終老無送迎

野居

貧賤易爲適荒郊亦安居端坐無餘思彌樂古  
人書秋田多良苗野水多遊魚我無耒與網安  
得充廩廚寒天白日短簷下暖我軀四支漸寬  
柔中腸鬱不舒多病減志氣爲客足憂虞况復  
苦時節覽景獨踟躕

卧病

身病多思慮亦讀神農經空堂留燈燭四壁深

熒熒羈旅隨人歡貧賤還自輕今來問良醫乃  
知病所生僮僕各憂愁杵臼無定聲見我形顛  
賴勸藥語丁寧春雨枕席冷窓前新禽鳴開門  
起無力遙念雞犬行疆飯察耳目漸如醉者醒  
顧非達性命猶爲憂患生

別段生

與子骨肉親願言長相隨况離父母傍從我學  
書詩同在道路間講論亦未虧爲文於我前日  
夕生光儀行役多疾疚賴此相扶持貧賤事難  
拘今日有別離我去秦城中子留汴水湄離情



兩飄斷不異風中絲初年獨爲客舉動難得宜  
努力自修勵常如見我時送我登山崗再拜聞  
還期還期在新年勿怨歡會遲

哭于鵠

青山無逸人忽覺大國貧良士沈幽泉名爲天  
子珍野性疎時俗再拜及從軍氣高終不合去  
如鏡上塵我初有章句相明者唯君今來吊嗣  
子對隴燒新文耕者廢其耜爨者絕其薪苟無  
新衣裳曷用光我身奠酒徒拜手哀懷安能陳  
徒保金石韻千載人所聞

南歸

促促念道路四支不常寧行車未及家天外非  
盡程骨肉待我歡鄉里望我榮豈知東與西顛  
顛覺無成人言苦夜長家者不恣明懼離其寢  
寐有憂傷性靈世道多險薄相勸畢中城遠遊  
無知音不如商賈行達人有常志愚夫勞所營  
舊山行去遠言歸樂此生

傷歌行

黃門詔下促收捕京兆尹繫御史府出門無復  
部曲隨親戚相逢不容語辭成謫尉南海州受

命不得須臾留身著青衫騎惡馬東門之東無  
送者郵夫防吏急喧驅往往驚墮馬蹄下長安  
里中荒大宅朱門已除十二戟高堂舞榭鎖管  
絃美人遙望西南天

惜花

濛濛庭樹花墜地無顏色日暮東風起飄揚玉  
階側殘蕊在猶稀清餘聳復直爲君結芳實念  
君勿歎息